



47-րդ Համահայկական խաղերի Ընդհանուր կանոնագիր

Թեհրան, 2015 թ.

Հ.Մ.Ա.Կ.-ի

Իրանի 47-րդ Համահայկական խաղերի Ընդհանուր կանոնագիր

Ա- Ընդհանուր

1) Իւրաքանչիւր մարզիկ, կարող է մասնակցել առաւելագոյնը չորս մարզաճիւղի մրցութիւններին (երկու խմբային եւ երկու անհատական):

Ծանօթ.- *Մրցութիւնների գուգադիպման պարագայում որեւէ ծրագրի փոփոխութիւն նկատի չի առնելու:*

2) Համահայկական խաղերին մասնակցող բոլոր մարզիկները պէտք է մինչեւ մրցութիւնների բացման օրը, բոլորած լինեն 14 տարեկան տարիքը: Բացառութիւն են կազմում՝ ճատրակի, թենիսի եւ լողի մրցութիւններին մասնակցողները:

Ծանօթ.- *Ցածր տարիքի բերումով չեն կարող մաս կազմել բանակումին մասնակցող մարզիկ-մարզուհիները:*

3) Միութիւնները յանձնառու են կցւած ժամանակացոյցի համաձայն՝ ներկայացնել իրենց միութեան այն պատժած մարզիկների անւանացանկը, որոնք չեն կարող մասնակցել սոյն Համահայկական խաղերին, որպէսզի նման մարզիկների անունները չներկայացւեն այլ միութիւնների կողմից: Հակառակ պարագայում յանձնախումբս որեւէ պատասխանատւութիւն չի ունենայ:

4) Մասնակցող միութիւնները պէտք է նամակով ներկայացնեն իրենց ընդհանուր պատասխանատուին:

5) Մրցութիւններին մասնակցող միութիւնների պատասխանատուները, իրենք անձամբ պէտք է ստանան մրցութիւնների ծրագրերը:

Ծանօթ.- *Մրցութիւնների ամբողջ ընթացքում (ի բաց առեալ խաղերի ընթացքում, որոնց դէպքում կը կիրառի նոյն մարզաձեւի կանոնները) մարզիկների, մարզիչների կամ պատասխանատուների անկարգապահ գործողութեան դէպքում դատական խորհրդի որոշումով կը տուգանուի պատկան միութիւնը: Տուգանքի գումարը կը գանձուի պահի գումարից:*

6) Իւրաքանչիւր մարզիկ կարող է մասնակցել միայն մէկ միութեան կողմից:

Ծանօթ.- *1՝ Մէկից աւել միութիւնների կողմից ներակայացւած մարզիկի համար մասնակցութեան քարտ չի պատրաստուելու: Խաղերի գրասենեակը երկու միութիւնների պատասխանատուներին կը տեղեկացնի նշւած պարագայի մասին եւ քարտը կը պատրաստուի տեալ մարզիկի անունը ցանկերից մէկից հապաւելուց յետոյ:*

Ծանօթ.- *2՝ Վերոյիշեալ պարագան գրասենեակի աչքից վրիպելու պարագային մարզիկը կը համարուի այն միութեան անդամ, որի անունից կը մասնակցի իր առաջին մրցութեանը:*

Հ.Մ.Ա.Կ.-ի

Իրանի 47-րդ Համահայկական խաղերի Ընդհանուր կանոնագիր

Բ- Արձանագրություն

7) Իւրաքանչիւր մարզիկից գանձւելու է արձանագրութեան գումար որպէս մասնակցութեան քարտի վճարում (ըստ կանոնագրի Ե բաժնի):

8) Մասնակցող միութիւններից՝ խմբերի գանձումները կը կատարւեն այս շրջանի պայմանների համաձայն (ըստ կանոնագրի Ե բաժնի):

Ծանօթ.- Արձանագրութեան ժամկետը աւարտուելուց յետոյ դիմում ներկայացնողներից, որպէս արձանագրութեան գումարը կը գանձի նորմալ գումարի 50 տոկոսը: Ամէն դէպքում որեւէ մարզաձեւի վիճակահանութիւնից յետոյ կամ մարզաձեւը վիճակահանութիւն չունենալու դէպքում՝ խաղերի բացումից յետոյ, որեւէ դիմում կամ փոփոխութիւն չի ընդունուելու:

9) Համահայկականի կայքէջում դիմումնագրերի լրացման եւ քարտերը ստանալու ժամկետը ճշտուած են նշուած ժամանակացոյցում:

Ծանօթ.- 1՝ Բացման օրը եւ մրցութիւնների ընթացքում քարտ չունեցող մարզիկները պէտք է մուտքի տոմս գնեն:

Ծանօթ.- 2՝ Քարտը կորցնելու պարագային երկրորդ օրինակը ստանալու համար պէտք է վճարել յաւելեալ գումար (ըստ կանոնագրի Ե բաժնի):

10) Ըստ Բժշկական Ֆեդերացիայի որոշման իւրաքանչիւր մարզիկ արձանագրութեան պահին պէտք է ներկայացնի 1394 թւականի ապահովագրութեան քարտը: Այլ պարագային պէտք է վճարի ապահովագրութեան համար (ըստ կանոնագրի Ե բաժնի):

11) Արձանագրութեան պահին պէտք է ներկայացի իւրաքանչիւր մարզիկ-մարզուի ինքնութեան քարտի (کارت ملی) պատճենը:

Գ- Մրցութիւններ

10) Մասնակցող իւրաքանչիւր խումբ, պարտաւոր է յայտարարուած ժամին պատրաստ վիճակում, ներկայ գտնուելու մրցավայրում:

Առաւօտեան եւ կէսօրից յետոյ տեղի ունեցող միայն առաջին խաղերի համար, նկատի կառնի 15 րոպէ ժամանակամիջոց, իսկ մնացեալ մրցութիւնները, կը շարունակւեն ըստ ծրագրի՝ առանց որեւէ ժամանակամիջոց նկատի առնելու:

15 րոպէից ուշ ներկայացած կամ բացակայ խմբերը պարտուած կը յայտարարւեն:

11) Որեւէ խումբ (կամ անհատ՝ անհատական խաղերից) առաջին անգամ բացակայելու պարագայում, պարտուած կը համարուի, իսկ երկրորդ անգամ դուրս կը դրուի մրցութիւնների աղիւսակից:

Հ.Մ.Ա.Կ.-ի

Իրանի 47-րդ Համահայկական խաղերի Ընդհանուր կանոնագիր

12) Որեւէ խումբ իր ներկայացրած մարզիկների ցանկից դուրս ուրիշ մարզիկներից օգտւելու պարագայում այդ մրցութիւնը պարտւած կը համարւի:

13) Բոլոր մարզիկները, խաղերի ընթացքում, պէտք է ներկայ լինեն մարզական զգեստով, հակառակ դէպքում կը զրկւեն պատկան մրցութեանը մասնակցելու իրաւունքից: Նաեւ շքանշանների շնորհման ժամանակ մարզիկները պէտք է ներկայ լինեն մարզական պատշաճ զգեստով:

14) Բոլոր մարզիկները, մրցութիւնների ընթացքում, իրենց հետ պէտք է ունենան մրցութիւններին մասնակցելու եւ ապահովագրութեան քարտերը:

15) Խմբի պատասխանատուն, պարտաւոր է 30 րոպէ նախքան մրցութեան համար յայտարարւած ժամը, ներկայ գտնւելու իրաւարարների սեղանի մօտ՝ խմբի մարզիկների քարտերը եւ անւանացանկը յանձնելու համար:

16) Որեւէ մարզիկ, մրցութեան ընթացքում իրաւարարի կողմից դուրս դրւելու պարագայում՝ իր նկատմամբ մօտեցում կը ցուցաբերի պատական մարզաձեւի օրէնքների համապատասխան:

17) Խմբային մրցութիւնների ընթացքում, հարցերը եւ խնդիրները կարող է ներկայացնել միայն խմբի պատասխանատուն:

18) Որեւէ մարզաճիւղում մասնակցող խմբերի կամ անհատների թիւը 3-ից պակաս լինելու դէպքում, այդ մարզաճիւղի մրցութիւնները չի կատարւի:

19) Նիշերի ընդհանուր հաշւարկման մէջ, իւրաքանչիւր խմբի վաստակած նիշերը նկատի են առնւելու հետեւեալ կարգով՝

Ա- Ֆուտբոլ-բասկետբոլ-վոլեյբոլ

Ոսկէ շքանշան	8 նիշ
Արծաթէ շքանշան	6 նիշ
Բրոնզէ շքանշան	3 նիշ

Բ- Թեքւոնատո-լող- Ժայռամագլցում

Ընդհանուր մարզաձեւերի արդիւնքներից, կորոշւեն ընդհանուր նիշերը՝

Ընդհանուր առաջին	8 նիշ
Ընդհանուր երկրորդ	6 նիշ
Ընդհանուր երրորդ	3 նիշ

Հ.Մ.Ա.Կ.-ի

Իրանի 47-րդ Համահայկական խաղերի Ընդհանուր կանոնագիր

Գ- Պինգ-պոնգ եւ թենիս

Խմբային եւ անհատական մրցութիւնների արդիւնքներով, կորոշւեն ընդհանուր նիշերը:

Դ- Ճատրակ

Ճատրակի ընդհանուր խմբի նիշերը, կորոշւեն առաջինից մինչեւ 15-րդ շահող անհատների միջեւ:

20) Խաղերի վիճակահանութիւնները, ըստ մրցութիւնների եւ ժամերի, տեղի են ունենալու «Արարատ» մարզաւանում: Վիճակահանութեան թւականը պաշտօնական նամակով կը փոխանցւի միութեան վարչութեան:

Դ- Կարգապահական

21) Իւրաքանչիւր միութիւն կամ խումբ որպէս կարգապահութեան պահ պետք է վճարի այս շրջանի պայմանների համաձայն (ըստ կանոնագրի Ե բաժնի):

Ծանօթ.- *Մրցութիւնների ընթացքում կարգապահական խնդիրներ առաջանալու պարագային կը պակսեցւի պահի գումարից հակառակ դէպքում մրցութիւնների փակման օրը լրիւօրէն կը վերադարձւի միութեան պատասխանատուին:*

22) Իւրաքանչիւր մրցութեան ընթացքում, մարզիչն ու պատասխանատուն պարտականութիւն ունեն պատկան խմբի կամ մարզիկի հետ ներկայ գտնւելու մրցավայրում եւ պատասխանատուութիւն կրելու՝ խմբի կամ մարզիկի կեցւածքի համար:

Ծանօթ.- *Խմբի մարզիչի կամ պատասխանատուի ներկայ չլինելու պարագայում, խումբը չի կարող մասնակցել մրցութեանը:*

23) Մրցութիւնների ժամերից դուրս, բոլոր պատասխանատուները, մարզիչները եւ մարզիկները իրենց կեցւածքի համար պատասխանատու են խաղերի յանձնախմբին:

24) Որեւէ միութիւն մրցութիւնների ընթացքում բողոք ունենալու պարագայում, պետք է միութեան ընդհանուր պատասխանատուի միջոցով գրաւոր բողոքը պատկան մրցութիւնից յետոյ մինչեւ 12 ժամ, ներկայացնի Համահայկական խաղերի յանձնախմբին եւ վճարի բողոքի համար ճշտւած գումարը (ըստ կանոնագրի Ե բաժնի):

Ծանօթ.- *1՝ Բողոքը իրաւացի նկատւելու պարագայում՝ գումարը կը վերադարձւի:*

Հ.Մ.Ա.Կ.-ի

Իրանի 47-րդ Համահայկական խաղերի Ընդհանուր կանոնագիր

Ծանոթ.- 2՝ Դատական խորհուրդը, մինչև 12 ժամ կամ մինչև բողոքի ենթակայ խմբի կամ անհատի յաջորդ մրցութեանը (որը որ աւելի շուտ աւարտի), բողոքի քննարկման արդիւնքը գրաւոր կը ներկայացնի խաղերի յանձնախմբին եւ բողոքը ներկայացնող միութեանը:

Ծանոթ.- 3՝ Դատական խորհրդի կազմը բակացած է՝

1- Համահայկական մրցութիւնների ընդհանուր

պատասխանատուն:

2- Համահայկական մրցութիւնների խաղերի պատասխանատուն:

3- Պատկան մարզաձեւի պատասխանատուն:

4- Իրաւարարական կազմի պատասխանատուն:

5- Որեւէ խորհրդատու եւ տեղեակ անձ, որի ներկայութիւնը յարմար կը նկատի Համահայկական խաղերի յանձնախումբը:

25) Բոլոր հակակարգապահական արարքները, որոնք յանձնախմբին կը զեկուցեն մարզաձեւերի պատասխանատուների, իրաւարարների, կարգապահների կամ բանակումի պատասխանատուի կողմից, ինչպէս նաեւ խմբերի մարզիչների եւ պատասխանատուների բողոքագրերը, վերահասութեան համար կը յանձնեն Համահայկական խաղերի յանձնախմբին, իսկ յանձնախումբս պատկան հարցի վերահասութեան նպատակով համապատասխան դատական խորհուրդ կեանքի կը կոչի:

26) Բոլոր միութիւնների պատասխանատուները եւ մարզիկ-մարզուհիները, պարտաւոր են մասնակցելու բացման արարողութեան տողանցքին:

Ծանոթ.- 1՝ Մարզիկները տողանցքի ընթացքում պէտք է ունենան միաձեւ յարմար հագուստ:

Ծանոթ.- 2՝ Տողանցքի եւ բացման արարողութեան ընթացքում անկարգապահ մարզիկները կը զրկեն առաջին մրցութիւնից:

Ծանոթ.- 3՝ Տողանցքի եւ բացման արարողութեան մասնակցող բոլոր միութիւնները պէտք է ունենան իրենց միութեան դրօշը:

27) Սոյն կանոնագրութեան մէջ չնախատեսուած խնդիրները կը վճռահատուեն համաձայն երկրի մարզական եւ մրցաշարերի օրէնքների:

Հ.Մ.Ա.Կ.-ի

Իրանի 47-րդ Համահայկական խաղերի Ընդհանուր կանոնագիր

Ե-Սրբութիւնների մասնակցելու պայմաններ

1. Իւրաքանչիւր մարզիկ արձանագրութեան պահին, քարտը ստանալու համար պիտի վճարի 150,000 ռ.:

Ծանօթ.- Քարտը կորցնելու պարագային պէտք է դիմել խաղերի գրասենեակ եւ վճարելով 300,000 ռ. ստանալ քարտի երկրորդ օրինակը:

2. Իւրաքանչիւր միութիւն որպէս կարգապահութեան պահ պէտք է վճարի հետեւեալ գումարը (կանխիկ գումար կամ միութեան չէք)`

Թեհրանից մասնակցող խմբեր 10,000,000 ռ.

Շրջաններից մասնակցող խմբեր 12,000,000 ռ.

3. Ըստ Բժշկական ֆեդերացիայի որոշման իւրաքանչիւր մարզիկ արձանագրութեան պահին պէտք է ներկայացնի 1394 թականի ապահովագրութեան քարտը: Այլ պարագային պէտք է վճարի 150,000 ռ. ապահովագրութեան համար:

4. Արձանագրութեան պահին պէտք է ներկայացնի իւրաքանչիւր մարզիկ-մարզուհու ինքնութեան քարտի (کارت ملی) պատճենը:

5. Մասնակցող խմբերի գանձումները կը կատարւեն ըստ հետեւեալի`

Ֆուտբոլ 2,500,000 ռ.

Բասկետբոլ եւ վոլէյբոլ 2,100,000 ռ.

Միւս բոլոր մարզաձեւերի խմբերից կը գանձուի 1,400,000 ռ.

Ծանօթ.- Անհատական մարզաձեւերում միութեան կողմից միայն մէկ մարզիկ մասնակցելու պարագային, կը գանձուի 700,000 ռիալ:

Հ.Մ.Ա.Կ.-ի

Իրանի 47-րդ Համահայկական խաղերի Ընդհանուր կանոնագիր

6. Որեւէ միութիւն մրցութիւնների ընթացքում բողոք ունենալու պարագայում պէտք է միութեան ընդհանուր պատասխանատուի միջոցով գրաւոր բողոքը պատկան մրցութիւնից յետոյ մինչեւ 12 ժամ, ներկայացնի Համահայկական խաղերի յանձնախմբին եւ վճարի 2,500,000 ռ.:

Ծանօթ.- 1՝ *Բողոքը իրաւացի նկատուելու պարագայում գումարը կը վերադարձի:*

Ծանօթ.- 2՝ *Դատական խորհուրդը մինչեւ 12 ժամ կամ մինչեւ բողոքի ենթակայ խմբի կամ անհատի յաջորդ մրցութեանը (որը որ աւելի շուտ աւարտի), բողոքի քննարկման արդիւնքը գրաւոր կը ներկայացնի Համահայկական խաղերի յանձնախմբին եւ բողոքը ներկայացնող միութեանը:*


7. Իւրաքանչիւր միութիւն, իւրաքանչիւր գումարի վճարման դիմաց պէտք է ստանայ ստացական:

Հ.Մ.Ա.Կ.-ի

47-րդ Համահայկական
խաղերի յանձնախումբ

Նախագահ՝

Սաքո Ազիզեան



Քարտուղարութեան պատ.

Ալինա Թադեոսեան

